

續纂江甯府志卷之一

上元吳崧慶繪圖并分纂

輿圖

地學有圖元和已然南宋人裝點景物適形鄙陋陳府志所載識者哂之呂志前剔垢歲其見卓矣顧其所爲圖南上北下既昧聖人南面而立之誼又甚疏脫不足備觀覽同治中丁雨生中丞日昌乃爲蘇屬圖牛毛繭絲細密無不備李兩亭制軍宗義仿之爲甯屬圖并以虛綫清釐州縣界址可不謂之美善兼備乎其冊有說因坵載之以周時用大氏山川軌迹皆自西而東其橫枝或小小不然禹貢兩條四列可證也至其名稱悉隨土俗春秋公羊家所云名隨主人庶幾便於識別與作續輿圖并於首并驛遞坵於後亦禹貢夾右碣石之義也呂志圖已更正之

續纂江甯府志


卷之一

輿圖

一



江甯府境全圖


每方二十里



上元江甯兩縣境圖

每方十里





句容縣境圖



溧水縣境圖

每方十里




江浦縣境圖

每方十里




六

圖




高淳縣境圖



江甯府總圖說

江甯爲省城首府轄縣七江之南曰上元江甯句容溧水高淳江之北曰江浦六合北界天長盱眙儀徵西界來安滁州全椒和州當塗南界宣城建平東界溧陽金壇丹徒南北直佔最長處二百六十里斜佔最長處二百八十餘里中截東西平佔一百八十里北截東西平佔八十餘里南截東西平佔七十餘里統計積地二萬三千八百方里以少廣法計之一百五十餘里也境轄長江南岸一百七十餘里北岸一百五十餘里江浦浦口爲近處犄角揚郡鎮江爲遠處犄角險要形勢全在臨江一面故前人畫江北兩邑分屬與南包舉全江殆有深意溯東來要口以羅絲溝與儀徵南門港相對羅盤綫值丑未江面八里爲第一重門戶棲霞山與划子口相對江面六里此處南岸雖無港口而憑山瞭望聲勢可



聯足爲第二重門戶又西則觀音門至下關一帶崇山障其內沙洲蔽其外草鞋夾天生設伏之所不能以門戶稱也其下關口斜距浦口城江面十三里又爲近城內戶更折而西南則大勝牧龍銅井諸處江面俱不過七八里均可兩岸控扼更聯揚州鎮江爲外戶江防綦密矣境穿水道以秦淮河爲幹流南通溧水高淳東達句容西承皖省爲來源北抵下關出江爲去委四境岡巒重疊紫金巴斗爲近城捍衛棲霞爲濱江垣牆華山崙山爲東面屏障西橫墓墓爲南面保障其間逶迤起伏中藏平陸要道數處炭渚東來鎮郡之要道也以華山扼其吭白兔東來丹陽之要道也以句容當其衝其南境皖省來路雖支幹紛岐有高淳溧水據其前西南一角無衝可扼惟小丹陽銅井兩處較爲入境之要此蓋形勢大概也

上元縣圖說

上元縣江甯府附郭首邑境轄城東一面北寬南窄自汊河口至烏剎橋一綫下垂又有越轄之地故表廣斜直難以言狀自神策門北至觀音門江邊計逕直十四里自聚寶門南至丁公山溧水當塗兩界口逕直七十四里自朝陽門東至湯水鎮句容界口逕直四十里其三山聚寶兩門卽與江甯分界又自下關鎮江口東歷觀音門至三江口計迂曲江邊八十餘里與儀徵六合分界江心自三江口南歷龍潭湯水土橋至高陽橋計迂曲界邊一百五十餘里爲句容界自高陽橋西南至烏剎橋計迂曲界邊二十里亦爲江甯界自烏剎橋西南丁公山計迂曲界邊二十餘里爲當塗界自橫溪橋東歷烏剎橋北循秦淮而上至下關鎮江口計迂曲界邊一百三十里爲江甯界統計積地三千三百四十一方里

合一萬八千頃長江形勢舊以燕子磯爲險要近則沙洲漫漲此處已成夾江磯在平陸長江深流徙出八卦洲之外故江防須與儀六江浦分扼下關與浦口相對兩岸江灘俱有漲沙蘆葦叢雜夾江分歧防江師船所宜注意者城東南東北眾山拱環縣互江邊沿江東面並無通口惟下關一河南接秦淮通句溧各境與江甯分轄自爲統境餘流亦出江要害也其陸路以龍潭湯水爲西來要鎮溧化爲南來要鎮棲霞巴斗各山臨江屏列與江北之靈巖山對峙足資瞭望石臼湖在溧水境赤山湖在句容境兩湖之水彙入三汊口來源也由三汊口歸秦淮河北流出江去委也境內山多水少形勝甲於東南厥土實惟中下耳

江甯縣圖說

江甯縣爲省城附郭與上元同城境轄城之西南一面自聚寶門

續纂江甯府志

卷之一

圖說

十

直南至碾砣橋當塗上元兩界口逕直六十三里東南至上方鎮上元界口逕直二十二里南少東至三縣塘上元句容兩界口逕直四十九里南少西至陶山當塗界口逕直五十八里西南至和尚港當塗界口逕直六十三里自和尚港口北東歷烈山大勝關至下關口計迂曲江邊七十餘里與江浦分界江心自下關沿秦淮河東南至上方門自上方門不沿秦淮由上元鎮至土山鎮自土山鎮迤南仍沿秦淮至烏剎橋自烏剎橋不沿秦淮西出碾砣橋其計迂曲界邊一百四十餘里爲上元界自碾砣橋西南至小丹陽自小丹陽西北至和尚港口計迂曲界邊六十餘里爲當塗界其東猴山嚴郎渡一帶復有轄地一百六十餘方里在上元溧水句容境內隔秦淮一河界不聯屬全境地形勢斜方而缺東面一角南北最長處九十四里東西最廣處七十里統計積地三千

四百十四方里合一萬六千四百餘頃沿江一面與江浦分阨下關口爲入境要津西北對浦口江面逕直十三里羅盤綫值乾巽西南對江浦江面逕直二十一里奇羅盤綫值寅申三口相距自成犄角之勢駐防最爲緊要其大勝板橋江甯牧龍銅井諸鎮俱近接江邊江船至此均可收泊惟不能逕達內地故其要次於下關境內水道惟以上元分轄之秦淮爲幹流支河甚少自聚寶門下抵小丹陽眾山絡繹闊約一二十里不等縣互境中故長江支港不能東達秦淮分流不能西通必自下關繞道也其陸路支幹紛歧四達無險可扼惟橫溪橋當當塗之來路烏剎橋當溧陽之來路較爲扼要全境山居十分之二河道不足二百里亦無湖蕩農田西資江水東挹山泉溝洫之利蓋遜於平陸水鄉也

句容縣圖說

續纂江甯府志

卷之一 圖說

七

句容縣距江甯七十里自北門北至羅絲溝出江逕直五十四里東北至炭渚鎮丹徒縣界口逕直四十九里西北至張橋上元界口逕直四十里自西門西至土橋鎮上元界口逕直十六里西南至猴山三縣塘上元溧水兩界口逕直四十四里自南門南至分界山溧水溧陽兩界口逕直七十二里東南至茅山金壇界口逕直四十里自東門東至白兔鎮丹徒界口逕直三十八里南北最長處一百三十二里東西最廣處六十里統計積地四千八百七十六方里合二萬六千三百餘頃自三江口東至炭渚溝計迂曲江邊三十里與儀徵分界江心自炭渚溝南歷白兔至花山計迂曲界邊八十里爲丹徒界自花山南歷茅山方山至了髻山口計迂曲界邊五十餘里爲金壇界自了髻山口西南至分界山計迂曲界邊三十餘里爲溧陽界自分界山北東歷巫山夾山至三縣

塘口計迂曲界邊九十里爲溧水界自三縣塘北歷土橋湯水龍潭諸鎮至三江口計迂曲界邊一百八十餘里爲上元界四境峰巒環繞惟中爲平原自白兔鎮西歷縣治至土橋爲徒陽達省之要路北塘堰西來爲金壇入境之要路分界山北來爲溧陽入境之要路殷家蕩東北來爲溧水入境之要路而天王寺鎮距城南二十里爲總控南東西三面來路之險要綠營汛守所宜注意北境江防以羅絲溝與泗源溝相對爲扼要之處境內河渠爲四山所阻北境江水南不灌城中境山水迴流境內惟西面自湖熟鎮迂道由秦淮河出江者爲全境去委而治西南有赤山湖周邊二十九里山水會歸其幹流俱由赤山湖分支一北經三岔鎮北東繞出縣治又北抵亭子邨而止一東北歷淤香鎮抵勝石橋而止一南經天王寺又南抵心橋而止統計各河之長不足一百二十里未能無旱潦之患也

溧水縣圖說

溧水縣北距江甯省城南門逕直八十里自北門北至夾山口句容界逕直二十七里北少西至三縣塘江甯句容兩界口逕直三十六里自西門西至烏刹橋上元界口逕直二十六里自南門西南至龜山石臼湖邊當塗高淳兩界口逕直四十五里南至漆橋北街頭高淳界口逕直四十四里東南至柞西頭高淳溧陽兩界口逕直四十六里自東門東南至分界山句容溧陽兩界口逕直三十三里自三縣塘東南歷夾山口至分界山計迂曲界邊七十餘里爲句容界自分界山南至柞西頭計迂曲界邊三十里爲溧陽界自柞西頭西歷尋鎮至龜山西面石臼湖邊計迂曲界邊六十餘里爲高淳

界白石曰湖邊北至丁公山朱莊計迂曲界邊四十餘里爲當塗界自朱莊東北至烏剎橋計迂曲界邊四十餘里爲上元界自烏剎橋東北至三縣塘計迂曲界邊十五里爲江甯界全境地形微近橢圓東西最廣處五十餘里南北最長處七十餘里統計積地二千七百八十九方里內除石曰湖積三百八十六方里實計積地二千四百三方里合一萬二千九百餘頃境內羣山環繞爲甯蘇西南藩屏孔鎮爲南境要衝官塘爲東境要衝烏山爲北境要衝綠營汛守所當分駐秦淮河自烏剎橋入境南達城又南而東歷紅藍蒲塘新橋諸鎮抵白馬橋岡身而止全境之幹流也石曰湖在境西南爲當塗宣城諸水停蓄之所明初高淳境內舊有運道名古胥溪是爲蘇甯要津故石曰諸水俱東入太湖嗣於永樂嘉靖閒堅築上下兩壩遏湖水北出秦淮而東南去委絕矣

江浦縣圖說

江浦縣屬江甯府隔江所轄爲省城西南屏藩自南門東南至江口逕直八里自東門東北至浦口鎮六合界口逕直二十一里自北門北東至哈大衛六合來安兩界口逕直三十里直北至西葛鎮來安滁州兩界口逕直二十七里西北至陳家淺滁州全椒兩界口逕直四十八里自西門西南至烏江鎮和州界口逕直六十里自烏江鎮港口北東歷老西港江浦港至浦口計迂曲江邊八十里與江甯分界江心自浦口鎮北西至哈大衛計迂曲界邊三十餘里爲六合界自哈大衛西至西葛鎮計迂曲界邊二十餘里爲來安界自西葛鎮西南至陳家淺計迂曲界邊四十餘里爲滁州界自陳家淺南至刁家營計迂曲界邊二十餘里爲全椒界自刁家營西南歷四馬山而東南歷石橋鎮至烏江鎮江口計迂曲

界邊七十餘里爲和州界全境地形褻斜而近長方錯出西面一角南北斜佔最長處七十餘里東西斜佔最廣處五十餘里統計積地二千五百六十方里合一萬三千八百餘頃其長江一面自烏江東北至老西江一段江闊七八里更有烈山烏石仙人兔兒各磯近傍東岸故中洪深水乃在西岸僅闊四五里實爲上江來路省中要衝其烏江與銅井石磧與河口老西江與大勝俱兩岸準對可與江甯對設礮臺互相控制自老西江以北則縣治浦口兩城與省垣鼎立自成犄角其閒江面亦窄沙洲滋長舊有夾江可分近亦蘆葦叢雜瞭望聲援微有障隔故綠營汛守必藉長江師船爲之輔翼也水道餘流在境北面西承皖省來源自陳家淺入境東出六合自爲滁河分支絕少蓋緣中境眾山橫截南境石磧老西江浦諸港江水抵山而止不能西通北境清流必由六合

繞道出江其陸路諸鎮以浦口爲東北之要西葛爲西北之要新殿廟爲正西之要烏江爲西南之要俱宜分設汛防湯泉鎮在城西北三十里以溫泉得名近泉數里煖氣蒸騰殆地氣所鍾歟

六合縣圖說

六合縣在江甯府隔江正北四十餘里自北門北至馬家集天長界口逕直四十里北少西至均樸橋盱眙界口逕直六十九里自西門西北至施家集來安界口逕直六十二里西至大營集來安界口逕直四十里自南門西南至浦口鎮江浦界口逕直四十七里自東門南少東至划子口江邊逕直三十六里東南至小河口儀徵界逕直四十三里西少北至山頭鎮儀徵界口逕直三十二里自浦口鎮西歷通江划子諸口至小河口計迂曲江邊八十餘里與上元分界江心自小河口北歷東溝山頭各鎮至鍾家窪計

迂曲界邊六十餘里爲儀徵界自鍾家窪北至十字山口計迂曲界邊十餘里爲甘泉界自十字山西歷野山馬家集至湯家營計迂曲界邊九十餘里爲天長界自湯家營西至廣福寺計迂曲界邊二十里爲盱眙界自廣福寺南歷施家雷官大營各集至哈大衛計迂曲界邊一百里爲來安界自哈大衛東南至浦口鎮計迂曲界邊三十餘里爲江浦界全境地形南平北袤南北直佔六十里斜佔一百十里東西平佔七十二里斜佔九十六里統計積地五千二百九十四方里合二萬八千五百餘頃沿江一面以划子口爲最要南距棲霞山西距草鞋夾江面僅闊四五里若與上元兩岸分設礮臺足可控制長江由此內達則歷瓜埠至縣治由縣治西達江浦又西入滁全各境一水可通故划子一河不特爲長江要口亦且全境幹流也小河爲划子分支亦出江之要靈巖續纂江甯府志

山在城之南江之北其西面以雷官大營各集爲皖省來路中有幹河橫截必由舟渡未可長驅汊河鎮傍河聚市設立渡船實西北之要鎮其竹鎮集馬家集當天盱來路南達城東達揚郡平陸可通是尤北境之要也沿江自十字岡至通江集一帶岸多衝缺八卦洲漸漲江北舊地則漸坍矣

高瀉縣圖說

高瀉縣北距江甯南門逕直一百三十里西距西陡門石臼湖邊逕直二十三里西南距水揚鎮宣城界口逕直二十二里東南距青龍橋建平界口逕直三十里東距河口鎮溧陽界口逕直五十二里東北距桿西頭溧水溧陽兩界口逕直四十八里北距石臼湖邊直十八里自棹西頭西歷尋鎮抵龜山石臼湖邊計迂曲界邊六十餘里爲溧水界自龜山西南歷蕭港一字溝抵梁陡門港

口計迂曲湖邊四十里與當塗宣城分界湖心自梁港口東歷梁陡水揚諸鎮至青龍橋西三里許計迂曲界邊六十餘里爲宣城界自宣城界口東北歷鄧埠至昇平蕩汊河口計迂曲界邊三十餘里爲建平界自昇平蕩汊河口北至桿西頭計迂曲界邊三十餘里爲溧陽界全境橫長縱短東西最廣處逕直一百里南北最長處逕直四十里統計積地一千九百八十五方里內除固城二百四十方里實計積地一千七百四十五方里合九千四百餘頃東境山脈蜿蜒西境湖蕩浩淼爲甯屬幅員最小之區水陸交錯圩田四布無險可扼惟上下兩壩旣爲水陸衝衢亦當建廣北來孔道較爲扼要古胥溪自溧陽之河口鎮入境西南歷鄧埠又西越固城石臼兩湖北出秦淮卽明初漕運故道自築上下兩壩水道不通故近時商賈往來必在鄧埠鎮舍舟從陸也向來西水甚

旺漲溢之時壩內外高低八尺許壩基每慮沖決測上水實高四尺固城湖灘深處亦不過三尺蓋夷險之勢今昔攸殊矣縣境舊隸溧水明時始析今治建縣於溧溪鎮北枕岡陵南運湖蕩舊無城郭垣牆故官守較難近來水勢漸衰固湖稍稍涸出苞桑之計當有議及者

續呂志驛遞

查江甯府屬各邑驛站自同治三年克復後驛站支銷暫設三成由善後局支報迨七年辦理抵徵加給上元句容江浦三縣驛馬各二成江甯三成六合一成嗣於光緒元年開辦丁漕酌設上元句容江浦三縣驛馬各六成江甯七成六合五成惟六合於光緒四年起又稟准加二成查光緒五年報銷上元句容江浦以六成報江甯六合以七成報

上元縣驛站額設各項計金陵江東龍江三驛

原額應徵銀玖千伍百叁兩肆錢遇閏加徵銀捌百貳拾玖兩肆錢無閏之年計有裁減餘剩銀貳千貳百玖拾捌兩實支銀柒千貳百伍兩肆錢

額設叁驛馬共壹百貳拾匹每匹日支草料銀陸分歲共支銀貳千伍百玖拾貳兩

額設馬夫壹百貳名每名日支銀肆分歲共支銀壹千肆百陸拾捌兩捌錢

額設修理棚廠銀壹百柒拾兩肆錢

額設買補四成馬價銀陸百柒拾兩伍錢陸分

額設租賃驛舍銀柒百玖拾壹兩陸錢肆分遇閏加銀壹百拾叁兩肆錢伍分肆釐

額設水夫叁拾名每名日支銀肆分歲共支銀肆百叁拾貳兩叁拾陸兩

續纂江甯府志 卷之一 驛遞 七

額設遞運所早夫柒拾伍名每名日支銀肆分歲共支銀壹千捌拾兩

上元縣光緒元年遞加至六成支報

酌設驛馬其柒拾貳匹每匹日支銀陸分歲共支銀壹千伍百伍拾伍兩

酌給馬夫陸拾壹名每名日支銀肆分歲共支銀捌百柒拾捌兩肆錢

酌給修理棚廠銀壹百貳兩貳錢肆分遇閏不加

酌給買補肆成馬價銀肆百貳兩叁錢叁分陸釐遇閏不加

酌給租賃驛舍銀肆百柒拾肆兩玖錢捌分肆釐遇閏加支銀陸拾柒兩捌錢玖釐

分叁釐

酌設水旱夫共捌拾名每名日支銀肆分歲共支銀壹千壹百伍拾貳兩

以上無閏之年實支銀肆千伍百陸拾伍兩壹錢陸分比抵徵加

支銀陸拾伍兩捌錢捌分按照原額例支計暫減銀貳千陸百肆拾兩貳

錢肆分